

欽定四庫全書

子部

御纂醫宗金鑑卷八十八



南京中医药大学图书馆版权所有

欽定四庫全書

御纂醫宗金鑑卷八十八

編輯正骨心法要旨目錄

頭面部

顛頂圖

顛頂骨

囟骨

山角骨

正面圖

凌雲骨

睛明骨

兩顴骨

鼻樑骨

中血堂

脣口

玉堂

地閣骨

齒

側面圖

扶桑骨

耳

玉梁骨

兩釣骨

頰車骨

背面圖

後山骨

壽台骨

旋台骨

御纂醫宗金鑑卷八十八目錄

欽定四庫全書

御纂醫宗金鑑

雜考正骨心法要方

顛

頂

圖

醫宗金鑑



欽定四庫全書

御纂醫宗金鑑

頭面部

顛頂骨

顛者頭頂也其骨男子三叉縫女子十字縫一名天靈蓋位居至高內涵腦髓如蓋以統全體者也或礮撞損傷如卒然而死身體強硬鼻口有出入聲氣目閉面如土色心口溫熱跳動者此證可治切不可擲拿並扶起盤坐蓋恐驚亂之氣上冲或從傷處或從七竅走洩必傷性命也惟宜屈膝側卧先將高醋調混元膏敷於頂

上以定痛消腫活血拔毒再將草紙捲點着令烟氣薰其口鼻再燃煤淬入醋內使熱氣薰蒸口鼻如無煤之處燒鐵淬之亦可以引五臟血脈使之通和待其口中呻吟有聲即以童便調八釐散溫服可以氣轉陽回外用手法推按心胸兩肋腋下腹上並輕托內腕攢筋頻頻揉摩即掌後高骨寸關尺診脈處也夫衝撞損傷則筋脈強硬頻頻揉摩則心血來復命脈流通即可回生常服正骨紫金丹復外用散瘀和傷湯洗去前敷之混

元膏再換敷混元膏服丸藥後或大便色黑乾燥此乃腸胃存有瘀血或有耳聾者俱服加減蘇子桃仁湯以逐瘀血健脾胃養精神兼用導氣通瘀錠塞於耳中飲食宜素粥湯飲忌氣怒油膩麪食卧處宜淨室勿令人喧亂若傷重已死者用白布纏頭以木棍輕輕拍擊足心再提髮令其直正安定頸骨舒其筋絡外敷混元膏內服紫金丹若墜車馬損傷顛縫者其邪墜而下多在左而少在右因右手利便而然也其治法同礮撞諸傷

如頂骨塌陷驚動腦髓七竅出血身挺僵厥昏悶全無知覺者不治

混元膏

治打撲損傷骨碎筋翻瘀血凝聚消青紫腫痛等證

羚羊血 五錢

沒藥 五錢

漏蘆 三錢

紅花 三錢

大黃 二錢

麝香 三錢

升麻 三錢

白及 五錢

生梔子 二錢

甘草 二錢

明雄黃 五錢

白斂 三錢

共為細末用高醋熬成膏敷於頂上

八釐散

治跌打損傷接骨散瘀

蘇木麵 一錢

半兩錢 一錢

自然銅 三錢

醋淬七次

乳香 三錢

沒藥 三錢

血竭 三錢

麝香 一分

紅花 一錢

丁香 五分

番木鱉 一錢
油煤去毛

共為細末黃酒溫服童便調亦可

正骨紫金丹

治跌打撲墜閃錯損傷並一切疼痛瘀血凝聚

丁香

木香

瓜兒血竭

兒茶

熟大黃

紅花 各一兩

當歸頭

蓮肉

白茯苓

白芍 各二兩

丹皮 五錢

甘草 二錢

共為細末煉蜜為丸每服三錢童便調下黃酒亦

可

散瘀和傷湯

治一切礮撞損傷瘀血積聚

番木鱉 油煤去毛 紅花

生半夏 各五錢

骨碎補

甘草 各三錢

葱鬚 一兩

水五碗煎滾入醋二兩再煎十數滾薰洗患處一

日十數次

加減蘇子桃仁湯

治瘀血內聚心經瘀熱大腸不燥者

蘇子 三錢

蘇木 一錢末

紅花 一錢

桃仁 炒

麥冬

橘紅 各三錢

赤芍

竹茹

當歸

各二錢
酒洗

水三鍾煎一鍾渣二鍾煎八分溫服

導氣通瘀錠

帛治耳聾奇方

用不去油巴豆一箇蟹螯三箇麝香少許以葱涎蜂
蜜和捻如麥粒形絲棉裏置耳中響聲如雷勿得驚

懼待二十一日耳中有膿水流出方可去錠奇妙無比

